

Wees dan nou 'n Wyse Herder!



Joh 10:11 Ek (Jesus) is die goeie herder. Die goeie herder lê sy lewe af vir die skape.

Wees dan nou 'n wyse herder.

Om 'n wyse herder te kan wees, moet ons ongelukkig eers kyk na wat die Woord sê oor die dwase en slegte herders. Daardeur leer ons om nie dieselfde foute te maak nie.

Slegte herders

1. **Die slegte herder is 'onopmerkzaam' wat die toestand** van sy kudde aanbetref, en jaag net agter geld aan.

Jes 56:11 En die honde is gulsig, hulle ken geen versadiging nie; en herders is hulle wat nie weet om op te merk nie; almal loop hulle eie pad, elkeen na sy onregverdige wins, almal saam.

Jes 56:12 **Kom, sê hulle, laat ek wyn gaan haal, en laat ons sterk** drank drink, en die dag van môre sal wees soos vandag, buitengewoon groot!

2. Hulle was dom en het nie die Here gesoek nie.

Jer 10:21 Want die herders het dom geword en die HERE nie gesoek nie; daarom was hulle nie voorspoedig nie, en hulle hele kudde is verstrooi.

3. Hulle het die wingerd verniel en die land vertrap.

Jer 12:10 Baie herders het my wingerd verniel, hulle het my stuk land vertrap, **hulle het my begeerlike stuk land 'n woeste** wildernis gemaak,

4. Hulle het die skape laat omkom en hulle verstrooi.

Jer 23:1 Wee die herders wat die skape van my weide laat omkom en hulle verstrooi, spreek die HERE.

5. Herders wat aan hulleself weiding verskaf en nie die skape laat wei nie. Hulle is selfgesentreerd.

Eseg 34:2 Mensekind, profeteer teen die herders van Israel; profeteer en sê vir hulle, die herders: So spreek die Here HERE: Wee die herders van Israel wat aan hulleself weiding verskaf! Moet die herders nie die skape laat wei nie?

6. Hulle eet die skape op en gebruik die wol, maar hulle laat die skape nie wei nie. Ontvang van die skape alles wat hulle kan, maar lewer geen geestelike diens in ruil daarvoor nie.

Eseg 34:3 Julle eet die vet en beklee julle met die wol; julle slag die vettes, maar die skape laat julle nie wei nie;

7. Hulle onderskraag nie die swakkes nie, bid nie vir die siekes nie, en die wat geestelik verwond is word nie verbind en vertroos nie. Hulle heers met hardheid oor hul kuddes.

Eseg 34:4 julle versterk die swakkes nie en maak die siekes nie gesond nie en die wat gewond is, verbind julle nie en wat weggedryf is, bring julle nie terug nie en wat verlore is, soek julle nie; maar met strengheid heers julle oor hulle en met hardheid.

8. So word die kudde verstrooi en raak die prooi van die Satan en valse leerstellings.

Eseg 34:5 So het hulle dan verstrooid geraak, omdat daar geen herder was nie; en hulle het die voedsel geword vir al die wilde diere van die veld en het verstrooid geraak.

Eseg 34:6 **My skape dwaal rond op al die berge en op al die hoë heuwels;** ja, oor die hele oppervlakte van die aarde is my skape verstrooi, sonder dat iemand na hulle vra of hulle soek.

9. Dit wat hulle wel vir die kudde doen is afgewater en minderwaardig.

Eseg 34:18 Is dit vir julle nie genoeg dat julle die goeie weiveld afwei nie? En moet julle die orige van jul weiveld met jul pote

vertrap? En moet julle die helder water drink, terwyl julle die wat oorbly, met jul pote troebel maak?

Eseg 34:19 En moet my skape afwei wat met julle pote vertrap is, en drink wat met julle pote troebel gemaak is?

10. Hulle sien glad nie om na die kudde nie, veral nie die armes nie. Slegs die rykes is belangrik, verál hulle geld.

Sag 11:15 **Daarop sê die HERE vir my: Neem weer vir jou die gereedskap van 'n herder, van 'n dwase.**

Sag 11:16 **Want kyk, Ek sal 'n herder verwek in die land;** na wat verlore is, sal hy nie omkyk nie; wat verstrooi is, nie opsoek nie; en wat gebroke is, nie genees nie; en wat nog regop staan, nie versorg nie. Maar die vleis van die vettes sal hy eet en selfs hulle kloue afruk.

Die toorn van die Here ontvlam teenoor die slegte herders.

Jer 25:34 Huil, o herders, en skreeu, en wentel julle in die as, julle maghebbers van die kudde; want vol is julle dae om geslag te word, en Ek sal julle verbrysel, **en julle sal val soos 'n kosbare voorwerp.**

Jer 25:35 Dan sal daar geen toevlug wees vir die herders en geen ontkoming vir die maghebbers van die kudde nie.

Eseg 34:7 Daarom, o herders, hoor die woord van die HERE:

Eseg 34:8 So waar as Ek leef, spreek die Here HERE, gewis, omdat **my skape'n prooi geword het** en my skape as voedsel gedien het van al die wilde diere van die veld, omdat daar geen herder was nie, en my herders na my skape nie vra nie; en die herders aan hulleself weiding verskaf, maar my skape nie laat wei nie—

Eseg 34:9 daarom, o herders, hoor die woord van die HERE!

Eseg 34:10 So sê die Here HERE: Kyk, Ek het dit teen die herders! En Ek sal my skape van hulle hand eis en maak dat hulle geen skape meer oppas nie, sodat die herders aan hulleself nie meer weiding sal verskaf nie; en Ek sal my skape

uit hulle mond uitruk, sodat dit hulle nie as voedsel sal dien nie.

Sag 10:3 Teen die herders het my toorn ontvlam, en oor die voorbokke sal Ek besoeking bring; want die HERE van die leërskaare gee ag op sy kudde, op die huis van Juda, en maak hulle tot sy pragtige perd in die stryd.

Sag 11:8 En ek het die drie herders in een maand vernietig. Toe het my siel ongeduldig geword oor hulle, terwyl hulle siel ook van my afkerig geword het.

Sag 11:17 Wee die slegte herder wat die skape in die steek laat! Mag die swaard sy arm tref en sy regteroog! Mag sy arm heeltemal verdor en sy regteroog heeltemal verduister word!

Daar is net een Goeie Herder.

Jesus Christus is die Goeie Herder. Petrus noem Hom ook die **Oppeherder**. **Hierdie goeie Herder is vir ons 'n voorbeeld van** hoe Sy kudde opgepas moet word.

1. Hy laat Sy kudde wei, voed hulle, gee hulle water, dra die swak lammertjies aan Sy bors wanneer hulle te moeg is om verder te loop en lei die lammerooie met sorg, want hulle moet produseer, die kudde vergroot.

Jes 40:11 Hy sal sy kudde laat wei **soos 'n** herder; Hy sal die lammers in sy arm vergader en aan sy bors dra; die lammerooie sal Hy saggies lei.

2. **'n Goeie herder** ken selfs sy skape by die naam. Hulle luister na sy stem, want hulle weet dat hy hulle liefhet en net die beste vir hulle wil gee. Hulle loop agter hom aan, want hulle ken sy stem en vertrou hom.

Joh 10:2 **Maar hy wat by die deur ingaan, is 'n herder van die skape.**

[JESUS IS DIE DEUR!]

Joh 10:3 Vir hom maak die deurwagter oop, en die skape luister na sy stem; en hy roep sy eie skape by hulle naam en lei hulle uit.

Joh 10:4 En wanneer hy sy eie skape uitbring het, loop hy voor hulle uit; en die skape volg hom, omdat hulle sy stem ken.

3. Omdat die goeie herder sy skape liefhet, laat hy nie toe dat die wolf[duiwel] sy skape uitmekaar jaag en van hulle vang nie. Die slegte herder/huurling is nie bereid om sy kudde te beskerm nie, maar is die eerste een wat wegvlug wanneer die wolf sy verskyning maak. **JESUS het sy lewe afgelê vir sy kudde en ons moet hulle met sorg oppas.**

Joh 10:11 Ek is die goeie herder. Die goeie herder lê sy lewe af vir die skape.

Joh 10:12 Maar die huurling **en hy wat nie 'n herder is nie, van** wie die skape nie die eiendom is nie, sien die wolf kom en laat die skape staan en vlug, en die wolf vang hulle en jaag die skape uitmekaar.

Joh 10:13 En die huurling vlug, **omdat hy 'n** huurling is en niks vir die skape omgee nie.

Joh 10:14 Ek is die goeie herder, en Ek ken my eie en word deur my eie geken.

4. Die herder na God se hart pas Sy kudde op met kennis en verstand wat hy van die Here afbid.

Jer 3:15 En Ek sal aan julle gee herders na my hart, wat julle sal oppas met kennis en verstand.

5. Wanneer ons God se kudde waarlik versorg en oppas, help Hy ons om hulle ook te behou.

Jer 23:4 En Ek sal herders oor hulle verwek wat hulle sal oppas; en hulle sal nie meer bevrees of verskrik wees of vermis word nie, spreek die HERE.

6. **Hier onder het ons 'n baie goeie voorbeeld van hoe God se kudde opgepas moet word.**

Eseg 34:11 **Want so sê die Here HERE: Kyk, hier is Ek, en Ek sal na my skape vra en vir hulle sorg.**

Eseg 34:12 **Soos 'n herder vir sy trop skape sorg op die dag as hy onder sy verspreide skape is, so sal Ek vir my skape sorg; en Ek sal hulle red uit al die plekke waarheen hulle verstrooi is, op die dag van wolke en donkerheid.**

Eseg 34:15 Ek self sal my skape oppas, en Ek self sal hulle laat lê en rus, spreek die Here HERE.

Eseg 34:16 Die wat verlore is, sal Ek soek, en wat weggedryf is, sal Ek terugbring, en wat gewond is, sal Ek verbind, en die siekes sal Ek versterk;

Opdrag aan Nuwe Testamentiese Herders

Hand 20:28 Gee dan ag op julleself en op die hele kudde waaroor die Heilige Gees julle as opsieners aangestel het om as herders die gemeente van God te versorg, wat Hy deur sy eie bloed verkry het.

Efes 4:12 om die heiliges toe te rus vir hulle dienswerk, tot opbouing van die liggaam van Christus,

1Pet 5:2 Hou as herders toesig oor die kudde van God wat onder julle is, nie uit dwang nie, maar gewilliglik; nie om vuil gewin nie, maar met bereidwilligheid;

1Pet 5:3 ook nie as heersers oor die erfdeel nie, maar as voorbeelde vir die kudde.

1Pet 5:4 En wanneer die Opperherder verskyn, sal julle die onverwelklike kroon van heerlikheid ontvang.

Leraars

Heb 5:12 **Want hoewel julle vanweë die tyd leraars behoort te wees, het julle weer nodig dat 'n mens julle die eerste beginsels van die woorde van God moet leer, en julle het weer behoefte**

aan melk en nie aan vaste spys nie.

Heb 5:14 Maar vaste spys is vir volwassenes, vir die wat geestesvermoëns besit deur die gewoonte geoefen, om goed van kwaad te onderskei.

Valse Profete en Leraars

2Pet 2:1 Maar daar was ook valse profete onder die volk, net soos daar onder julle valse leraars sal wees wat verderflike ketterye heimlik sal invoer, en ook die Here wat hulle gekoop het, verloën **en 'n vinnige** verderf oor hulleself bring;

2Pet 2:2 en baie sal hulle verderflikhede navolg, en om hulle ontwil sal die weg van die waarheid gelaster word;

2Pet 2:3 en uit hebsug sal hulle met verdigte woorde voordeel uit julle trek. Oor hulle is die oordeel van lankal af nie werkeloos nie, en hulle verderf sluimer nie.



Gal 1:8 **Maar al sou ons of 'n engel uit die hemel julle 'n evangelie verkondig in stryd met die wat ons julle verkondig het, laat hom 'n vervloeking wees!**

Gal 1:9 Soos ons vantevore gesê het, sê ek nou ook weer: As iemand **julle 'n evangelie verkondig in stryd met die wat julle ontvang het, laat hom 'n vervloeking wees!**

Gal 1:10 Soek ek dan nou die guns van mense, of van God? Of probeer ek om mense te behaag? As ek nog mense behaag, **dan sou ek nie 'n dienskneg van Christus wees nie.**

Gal 1:11 Maar ek maak julle bekend, broeders, dat die evangelie wat deur my verkondig is, nie na die mens is nie.

Gal 1:12 **Want ek het dit ook nie van 'n mens ontvang of geleer nie, maar deur 'n openbaring van Jesus Christus.**

Veertig riglyne vir predikers en aspirant predikers !

1. 'n Opsiener dan moet onberispelik wees, [Tit 1:7 + 1Tim 3:2]
2. die man van een vrou, [1Tim 3:2]
3. sy eie vrou **liefhê soos** sy eie liggaam [Efes 5:28]
4. nie teen haar verbitter word nie [Kol 3:19]
5. verstandig met haar saamleef [1Pet 3:7]
6. aan sy vrou, as die swakkere eer bewys [1Pet 3:7]
7. Geen drinker, [Tit 1:7 + 1Tim 3:3]

8. ingetoë, [Tit 1:8]

9. fatsoenlik, [1Tim 3:2]
10. gasvry, [Tit 1:8]
11. bekwaam om te onderrig; [2 Tim 2:24]
12. nie eiesinnig, [Tit 1:7]
13. nie oplopend [Tit 1:7]
14. geen vegter, [1 Tim 3:3] geen stryd lustige, [1Tim3:3]
15. geen vuilgewinsoeker nie; [1 Tim 3:3]
16. een wat die goeie liefhet [Tit 1:8]
17. regverdig, [Tit 1:8]
18. heilig, [Tit 1:8]
19. een wat homself beheers. [Tit 1:8]
20. een wat vashou aan die betroubare woord [Tit 1:9] die Woord moet ryklik in hom woon [Kol 3:16]
21. onderdanig aan owerhede en magte (wat oor jou aangestel is) [Tit 3:1]
22. bereid tot elke goeie werk, [Tit 3:1]
23. niemand belaster nie, [Tit 3:2]
24. aan alle mense sagmoedigheid te bewys [Tit 3:2]
25. vriendelik, [1Tim 3:3]
26. geen geldgierige nie; [1Tim 3:3]
27. een wat sy eie huis goed regeer en sy kinders met alle waardigheid in onderdanigheid hou. [1Tim 3:4]
28. verwerp onheilige en oudwyfse fabels [1Tim 4:7]
29. nie besig hou met fabels en eindelose geslagsregisters nie [1Tim 1:4]
30. goeie getuienis hê van buitestaanders [1Tim 3:7]
31. waardig wees [1Tim 3:8]
32. nie uit twee monde spreek nie [1Tim 3:8]

33. **manne wat die verborgenheid van die geloof in 'n rein gewete hou.** [1Tim 3:8]
 34. nie vir mekaar lieg nie [Kol 3:9]
 35. mekaar verdra en vergewe [Kol 3:13]
 36. hulself bekleed met liefde [Kol 3:14]
 37. verafsku wat sleg is [Rom12:9]
 38. volhard in die gebed [Rom 12:12]
 39. moenie vir mekaar kwaad word op die pad nie [Gen 45:24]
 40. **Hy moet nie 'n nuweling wees nie,... [1 Tim 3:6]**
- 1Tim 3:6 sodat hy nie verwaand word en in dieselfde oordeel as die duiwel val nie.

Rom 12:14 seën die wat julle vervolg, seën en moenie vervloek nie;

Rom 12:15 wees bly met die wat bly is, en ween met die wat ween;

Rom 12:16 wees eensgesind onder mekaar; moenie na hoë dinge streef nie, maar voeg julle by die nederige; moenie eiewys wees nie;

Rom 12:17 vergeld niemand kwaad vir kwaad nie; bedink wat goed is voor alle mense;

Rom 12:18 as dit moontlik is, sover as dit van julle afhang, leef in vrede met alle mense.

Rom 12:19 Moenie julle wreek nie, geliefdes, maar gee plek vir die toorn; want daar is geskrywe: Aan My kom die wraak toe, Ek sal vergeld, spreek die Here.

2Tim 2:15 Lê jou daarop toe om jou beproef voor God te stel as 'n werker wat hom nie hoef te skaam nie, wat die woord van die waarheid reg sny.

2Tim 2:16 Maar die onheilige, onsinnige praatjies moet jy vermy; want hulle sal al verder voortgaan in goddeloosheid,

Hoe behoort ons mekaar te behandel?

Mat 5:22 **Maar Ek sê vir julle dat elkeen wat vir sy broeder sonder**

rede kwaad is, verantwoording moet doen voor die gereg; en elkeen wat vir sy broeder sê: Raka! moet verantwoording doen voor die Groot Raad; en elkeen wat sê: Jou dwaas! moet verantwoording doen in die helse vuur.

Mat 5:23 As jy dan jou gawe na die altaar bring en dit jou daar byval dat jou broeder iets teen jou het,

Mat 5:24 laat jou gawe daar voor die altaar bly en gaan versoen jou eers met jou broeder, en kom dan en bring jou gawe.

Mat 18:15 En as jou broeder teen jou sondig, **gaan bestraf hom tussen jou en hom alleen**. As hy na jou luister, dan het jy jou broeder gewin;

Mat 18:16 maar as hy nie luister nie, neem nog een of twee met jou saam, sodat in die mond van twee of drie getuies elke woord kan vasstaan.

Mat 18:17 En as hy na hulle nie luister nie, sê dit aan die gemeente; en as hy na die gemeente ook nie luister nie, laat hom vir jou wees soos die heiden en die tollenaar.

Mat 18:21 **Toe kom Petrus na Hom en sê: Here, hoe dikwels sal my broeder teen my sondig en ek hom vergewe? Tot sewe maal toe?**

Mat 18:22 Jesus antwoord hom: Ek sê vir jou, nie tot sewe maal toe nie, maar tot **sewentig** maal sewe toe.

[70x7= 490 keer]

Luk 17:4 En as hy **sewe maal op 'n dag** teen jou sondig en **sewe maal op 'n dag na jou terugkom en sê: Ek het berou**—moet jy hom vergewe. [7x365=2,555 keer per jaar]

[Mat 18:34 En sy heer het hom in toorn oorgegee aan die pynigers totdat hy sou betaal het alles wat hy hom skuldig was.

Mat 18:35 So sal ook my hemelse Vader aan julle doen as julle nie elkeen sy broeder **van harte** sy oortredinge vergewe nie.]

Rom 12:10 wees hartlik teenoor mekaar met broederlike liefde; **die een moet die ander voorgaan in eerbetoning**;

1Tim 5:17 Laat die ouderlinge [predikers] wat goed regeer, dubbele eer waardig geag word, veral die wat arbei (WERK) in woord en leer.

Fil 2:2 maak dan my blydskap volkome deur *eensgesind* te wees en dieselfde liefde te hê, een van siel, een van sin.

Fil 2:3 Moenie iets doen uit selfsug of uit ydele eer nie, maar **in nederigheid moet die een die ander hoër ag as homself.**

Fil 2:4 Julle moet nie elkeen na sy eie belange omsien nie, maar **elkeen ook na die ander s'n.**

Fil 2:5 **Want hierdie gesindheid moet in julle wees wat ook in Christus Jesus was.**

Fil 2:14 Doen alles sonder murmurering en teëspraak,
Fil 2:15 sodat julle onberispelik en opreg kan wees, kinders van **God sonder gebrek te midde van 'n krom en verdraaide geslag** onder wie julle skyn soos ligte in die wêreld,

Gal 5:26 Laat ons nie word soekers van ydele eer wat mekaar uittart en mekaar beny nie.

Efes 5:21 en aan mekaar onderdanig is in die vrees van God.

Kol 4:3 en bid tegelykertyd ook vir ons, dat God vir ons die deur van die woord mag open om te spreek van die verborgenheid van Christus, waarvoor ek ook in boeie is,

Kol 4:4 dat ek dit openbaar kan maak soos ek dit behoort te spreek.

Hoe moet ons spreek ?

Joh 3:34 Want Hy wat God gestuur het, spreek die woorde van God; want God gee Hom die Gees nie met mate nie.

Hand 4:29 En nou, Here, let op hulle dreigemente en gee aan u diensknegte om met alle *vrymoedigheid* u woord te spreek,

Rom 9:1 Ek spreek die waarheid in Christus, ek lieg nie my gewete getuig saam met my in die Heilige Gees

1Kor 2:7 Maar ons spreek die wysheid van God, wat bestaan in verborgenheid wat bedek was en wat God van ewigheid af voorbeskik het tot ons heerlijkheid,

Efes 4:25 Daarom, **lê die leuen af en spreek die waarheid**, elkeen met sy naaste, want ons is mekaar se lede.

Efes 5:19 Spreek onder mekaar met psalms en lofsange en geestelike liedere; en sing en psalmsing in julle hart tot eer van die Here,

1Thes 2:4 maar soos ons deur God waardig geag is dat die evangelie aan ons toevertrou sou word, **so spreek ons, nie om mense te behaag nie, maar God wat ons harte beproef.**

Tit 2:1 Maar spreek jy wat by die gesonde leer pas.

Jak 4:11 Broeders, moenie van mekaar kwaad spreek nie.

1Pet 3:10 **Want wie die lewe wil liefhê en goeie dae wil sien**, moet sy tong bewaar vir wat verkeerd is, en sy lippe dat hulle geen bedrog spreek nie.

1Pet 4:11 **As iemand spreek, laat dit wees soos woorde van God**; as iemand dien, laat dit wees soos uit die krag wat God verleen, sodat God in alles verheerlik kan word deur Jesus Christus, aan wie die heerlijkheid en krag toekom tot in alle ewigheid. Amen.

Jak 1:19 So dan, my geliefde broeders, elke mens moet gou wees om te hoor, stadig om te praat, stadig om toornig te word.

Die Evangelis

2Tim 4:5 Maar wees jy in alles nugter; ly verdrukking; doen **die werk van 'n evangelis**; vervul jou bediening.

Wees **'in alles nugter'** – rakende jouself, die leerstelling wat jy verkondig en waaksaam om naderende onheile te onderskei. Verkondig die Evangelie van Christus se kruisiging vir die sonde van die wêreld. Die blye tyding van verlossing en redding.

Rom 15:16 om **'n dienaar van Jesus Christus onder die heidene te wees, 'n dienaar van die evangelie van God, sodat die offer van die heidene welgevallig kan wees, geheilig deur die Heilige Gees.**

Efes 3:8 Aan my, die geringste van al die heiliges, is hierdie genade gegee om onder die heidene die evangelie van die onnaspeurlike rykdom van Christus te verkondig,

Die prediker se vrou

Dit is baie belangrik dat die prediker se vrou net so 'n waardige verteenwoordiger van Christus sal wees, as die prediker self. Daarom keer ons, ons weereens na die Heilige Skrif vir riglyne in dié verband.

1Tim 3:11 Net so moet die vroue waardig wees, geen kwaadspreeksters nie, nugter, betroubaar in alles.

1Tim 2:9 So ook moet die vroue hulle versier met behoorlike kleding, gepaard met beskeidenheid en ingetoënheid, nie met vlegsels of goud of pêrels of kosbare klere nie,

1Tim 2:10 maar, soos dit vroue betaam wat die godsvrug bely, met goeie werke.

1Tim 2:11 Die vrou moet haar in stilte laat leer in alle onderdanigheid.

1Tim 2:12 Ek laat die vrou egter nie toe om onderrig te gee of oor die man te heers nie, maar sy moet haar stil hou.

Tit 2:3 Die ou vroue moet ook in hulle gedrag wees soos dit die heiliges betaam, geen kwaadspreeksters of aan baie wyn verslaaf nie, maar leraresse van wat goed is,

Tit 2:4 sodat hulle die jong vroue kan leer om versigtig te wees, hulle mans en kinders lief te hê,

Tit 2:5 ingetoë te wees, kuis, huislik, goed, aan hul eie mans onderdanig, sodat die woord van God nie belaster word nie.

1Pet 3:1 Net so moet julle, vroue, aan jul eie mans onderdanig wees, sodat, as sommige aan die woord ongehoorsaam is, hulle ook deur die wandel van die vroue sonder woorde gewin kan word

1Pet 3:2 as hulle jul reine, godvresende wandel aanskou het.

1Pet 3:3 Julle versiering moet nie uiterlik wees nie:

haarvlegtery en omhang van goud en aantrek van klere nie,

1Pet 3:4 *maar die verborge mens van die hart in die onverganklike versiering van 'n sagmoedige en stille gees, wat baie kosbaar is voor God.*

1Pet 3:5 **Want so het vroeër ook die** heilige vroue wat op God gehoop het, hulleself versier, en hulle was aan hul eie mans onderdanig,

Samevatting

2Kor 2:14 Maar God sy dank wat ons altyd laat triomfeer in Christus en wat die reuk van sy kennis deur ons oral versprei.

2Kor 2:15 Want **ons is 'n aangename geur van Christus tot** eer van God onder die wat gered word en onder die wat verlore gaan;

2Kor 2:17 Want ons is nie soos baie wat handel dryf met die woord van God nie; maar as opregtheid, maar as uit God, in die teenwoordigheid van God, spreek ons in Christus.

Jes 52:7 Hoe lieflik is op die berge die voete van hom wat die goeie boodskap bring, wat vrede laat hoor, wat goeie tyding bring, wat verlossing uitroep; wat aan Sion sê: Jou God is Koning!

1Thes 5:12 Maar ons vra julle, broeders, erken die wat onder julle arbei en julle voorgangers in die Here is en julle vermaan; (Die Predikers)

1Thes 5:13 en bewys hulle in liefde die hoogste agting ter wille van hulle werk. Hou vrede onder mekaar.

Heb 13:7 Gedenk julle voorgangers (DiePredikers) wat die woord van God aan julle verkondig het; aanskou die uiteinde van hulle lewenswandel en volg hulle geloof na.

Wyse herders word uitgeken aan hulle getrouheid teenoor die gemeente wanneer daar gevaar dreig, wanneer die wolwe op die kudde toesak.

In sulke situasies, laat die wyse herder homself ken as iemand wat, in navolging van die Opperherder, bereid is om sy lewe te gee vir die kudde. Hierdie herder spring in die bres vir die kudde en as daar wolwe kom, blyk hy 'n vegter te wees wat alles daarvoor oor het om te voorkom dat die skape verongeluk of verskeur word. Hy sal nie rus voordat hy sy skape almal veilig uit die dodelike pote van die wolwe gered het nie.

Christus het ons gewaarsku teen wolwe in skaapsklere. Behalwe die openlike dwaalleringe, is daar ook allerhande verléidelike dwalings wat ons bedreig: soos 'n toenemend wêreldse lewensstyl, 'n gevoel van gearriveerdheid en selfgenoegsaamheid..... Ons moet gedurig intensief besig bly met die Woord van die Here, om daaruit te leer hoe om goeie herders oor Sy skape te wees.

Die wyse herder sal dan ook die wysheid insien van die gebruik van die **'staf van verneming'** [uit die Woord van God] wanneer die kudde dit nodig het.

Pet 4:17 Want die tyd is daar dat die oordeel moet begin by die huis van God. En as dit eers by ons begin, wat sal die einde wees van die wat aan die evangelie van God ongehoorsaam is?

Die arme Prediker !!!

As hy jonk is, het hy geen ervaring nie; as hy gryns is, is sy bediening **‘verkrimp en verkramp’** - outyds.

As hy vyf kinders het, het hy te veel; as hy een het, stel hy ‘n slegte voorbeeld.

As hy sy preek uitskryf of notas gebruik, is hy droog; as hy uit die vuis preek is hy oppervlakkig.

As hy illustrasies en voorbeelde gebruik, vertel hy stories; as hy dit nie doen nie, preek hy onverstaanbaar.

As hy ernstig teen sonde preek, is hy ‘n helleprediker [“hellfire” prediker]; as hy God se liefde verkondig, is hy te sag.

As hy lank preek, is hy langdradig; as hy kort preek is hy lui.

As hy nie almal tevrede stel nie, doen hy die gemeente skade aan; as hy almal tevrede stel, is hy beginselloos.

As hy ‘n nuwe motor koop, kry hy te veel geld; as hy ‘n ou motor ry, is hy ‘n sukkelaar.

As sy vrou hom bystaan met kerkwerk, is sy voor-op-die-wa; **as sy ‘n eie verdienste het, stel sy nie in die gemeente belang nie.**

As hy studeer, verwaarloos hy die gemeente; as hy nie studeer nie, is hy oningelig.

As hy nie tuis is wanneer jy bel nie, is hy ‘n rondloper; as hy wel tuis is, doen hy nie huisbesoek nie.

As hy dinge vergeet, is sy geheue soos ‘n sif; as hy niks vergeet nie, het hy ook nie veel om oor te dink nie.

Saamgestel deur:

Past Willie Horne
Posbus 872
KLEINBRAK
6503

Tel/Fax (044) 696-5891
E-pos: konanja333@gmail.com

Indien u enige berading, geestelike hulp of gebed benodig, kan u ons kontak by bogenoemde kontak besonderhede.

Die Here seën U !!!



As ons ontmoet en jy vergeet ons, het jy niks verloor nie, maar as jy **Jesus Christus** ontmoet het en jy vergeet **Hom**, het jy alles verloor.

